

空春縣志卷之五

孝友

宋

李奇字子正景祐元季登第嘉祐中任職方員外郎性慷慨不事產業悉以祖產分兄弟仍戒子孫不得追取既卒族人端以詩哭之有祖來產業分兄弟身後詩書遺子孫之句

明

郭彥明號恕齋以人才辟舉授湖廣黃陂丞事繼母

空春縣志

卷之五 孝友

以孝聞母愛已子而忌彥明所分產不無肥磽彥明不與之爭竟以產歸其弟弟感悟鄰有不獲贖母鬻其妻者公聞之貸以貲克全其夫婦越數季隣夫婦踵門謝併完原貲彥明日有急不周忍人也敢望報乎不受以子儀貲贈郡丞

易直字子順少讀小學躬行家禮父廷選性嚴諸子少違直輒跪伏終日父疾一再嘗穢嘗遇寇抱母哀慟賊舍之治喪不用浮屠奉父母合葬廬墓三季服闋例應貢直傷伯仲早世祠墓無所主上書

之先日環顧而嘯曰吾生不離父側歿當厝於穴
傍翌辰日稟宛如羽化子若孫遵遺命而附葬焉
厥後科甲蟬聯悉由公孝友厚德之所貽云

國朝

楊嘉禎郡庠生順治丙戌春兵亂父文盛避兵山堂
兵將至禎從間道渡水報父水急被溺流至深處
猶躍出水面曰速走速走隨溺死父悲痛不勝端
陽日哭之以詩曰浪跡當季學阮劉浮沉樽酒日
悠悠况逢歡笑天中節叟接慇懃地主酬老大劇
愁添老病風塵閑想卸風流延陵三號悲何限漫
怪西河卜子憂

交春縣志

卷之五

孝友

二

袁一藻字文茂江督臨侯之子也邑廩廕國學生樂
善取友常集知名士日相摩切拓落自喜了無貴
倨容詩賦風騷無不博涉天性至孝丙戌以父誓
守忠節冒險赴難身陷楊子江啓行與母訣曰曹
娥猶知抱父尸况負昂藏七尺軀耶特以爲忠孝
萃于一門云

袁繼樟字槎若大鴻臚景源公長子少靖重不苟爲

奕沈厚能詩癸未拔貢嘗游金陵維揚恣意山水
間多所憇吊歸而學益進郡司理王公延禱器重
之每與周諮地方利弊如清四差革幫解禁里甲
克夫馬經收佐益爲多癸巳疾篤惟以未得終母
養齋志爲恨云

方惟信字啓元授椽考以親老弗就職平居力學靡
懈勤勤以敦倫篤行孝友親睦爲已事奉養祖母
易氏修寢門視膳之節朝夕勿替其天性也崇禎
丁丑冬臨藍寇環城日炊食餉東偏守陴甲士城

宏春縣志

卷之五

孝友

四

獲不陷內則辭榮養母外則扞寇衛國孝行與經
濟兼優烏可泯而弗傳歟子直郡廩生侄崇學藩
椽

朱憲字霽空志胞弟性至孝母病親嘗湯藥旦夕
靡倦母歿水漿不入口塋祭盡禮率侄允裕允祺
奮志力學論左氏至穎考純孝益興感慕與致門
人棄蓼莪者相上下屋後有石乳洞夏秋居其內
研究經史髦而益勤因號乳洞主人子允祐繼學
行明經有聲相傳爲清白世家

袁士瑋字席珍博聞強記善屬文試輒優等順治庚子歲貢試禮部第一爲人醇謹謙厚持行端方里中推爲長者授學博未任而卒世共惜之

廖璵字石萬幼聰穎日誦數千言稍長善屬文汪洋豪宕援筆立就與兄璜同擅才名試輒冠軍性孝友奉母至善承歡爲人激昂慷慨篤于友朋尤工詩畫大字時多稱之惜臨貢而卒不獲竟厥志

潘鎬邑庠生好學能文行至醇謹少孤事母不違色登家貧日授生徒每得升斗卽備其旨以遺母而

宏春縣志

卷之五

孝友

五

體粥自甘母病瘡日侍湯藥衣不解帶屢月未嘗有倦色兄鐸力學而天所遺孤侄女撫育之如已于鄉里無不稱其孝友年四十餘卒母汪氏冰霜苦節言笑不苟壽八十餘現存

廖士奇好學能文力行孝弟與弟士廉自相師友並著聲庠序間廉文尤美秀可觀屢試優拔未竟其學俱賫志早歿士林悲之

鄒應龍幼習舉業屢試阨于數爲藩掾三載以父希賢患瞽遂罷歸奉飲食親湯藥始終不置事母謝

氏

載號

丁亥奇

善醫

生

平

酒

饋子學孟邑庠生積學力行與有文名洵無愧
父明訓云

劉而寬字次公弱冠補郡弟子員好學有質行崇禎
癸未猷賊薄城寬兄寔奉母先竄寬侍父歛之先
生行稍後倉卒奔避與父中途相失候父未至寬
曰吾不忍棄吾父以偷生也舍妻子復入城尋訪
父踪爲賊所執欲授僞官寬憤恨毒罵百折不屈
空春縣志

卷之五

孝友

六

賊怒殺之妻王氏避集雲鄉左兵搜見之氏忍受
污投六口江而死

楊文盛字用蔚性敦厚居家孝友重然諾尤長古文
詞家無擔石晏如也母沒遂絕意進取嘗有不捧
毛生檄浮雲視鼎台之句結茹山堂以自造郡守
晉公國璧以舊知招惟抱毆祥悞報鄉斗志具艸
條上自是不復出爲文清洒不羣尤長四六著有

倚崖集

徐士達字汝上天性孝友遇物溫和惇倫刻厲自修

子弟不率者告誡罔倦里中有不給者輒解推拯
之由庠生入國學應選樂隱以采釣自娛教子式
毅克承先志

楊其善字無異邑庠生性孝友矢志清修不事生產
父開泰崇禎壬申歲薦疾終其善廬墓讀禮孝事
厥母友于兄弟人無間言殆所云不媿家修者

袁繼芹字心魯少游黌序律已端嚴以孝友著聞常
不吝推解以濟人之急齋居樂善一遵先哲遺教
雖處市門瞬狀泥而不滓也年七十一而卒其後

宜春縣志

卷之五

孝友

喬堯承勿替咸稱餘慶云

潘士侃字弦箴郡庠生萬曆乙卯副榜孝友性成侍
父懋舉疾勺水不入口者屢日夜則稽顙北辰願
以身代父沒廬墓三年性剛直不阿能濟以和平
喜施助有貸者不能償輒焚其券族里式好無間
言其刑于義方不減古人子師默師熹俱克承厥
志皆公孝友之所教云

劉冠英字掄揆府庠生天資純篤事親孝色養兼至
不慕榮利惟以菽水承歡親八旬寢疾三載躬侍

家法子孫蓋世守之

何中圖字兆生天資篤厚至性過人弱冠卽登賢序
爲人醇謹自好恂向執禮有古人風口不道阿堵
物雖屢空不給澹也尤以孝友著聞前丁亥奇
荒家徒壁立惟一外此爨鬻之他鄉躬親負米于
數百里之外以奉其音嘗明未悍賊黃朝宣專殺
無忌有胞弟錦六遭擄歸楚獨能不畏強禦挺身
冒刃往復陳說賊感其義弟得生還鄉里驚嘆自
是浮雲富貴惟以課兒讀書爲事爲文不屑時趨
宜春縣志

卷之二

孝友

九

力追先正遊于門者經其指授皆中法程子定基
邑廩生孫大任邑廩生繼起繩繩端由孝友所貽
云

其學益字友謙邑庠生端方純篤孝友性成父時達
甫及歲薦而卒益甫七歲奉母夏氏以孝稱值荒
亂伶仃孤苦百計謀饗殮以奉親懼寇至夜負母
疾趨得免于難母怒則俯伏請罪有疾則寢食俱
廢祈以身代依膝下三十餘年孺慕未嘗少怠胞
兄學夔亦及歲薦而卒爲之調護孀室併撫及其

義子人或有以非嫡姪爲言公曰吾兄之嗣義子
卽兄子也豈可令其失所以負吾兄于地下哉至
其慷慨樂施修橋成梁助喪葬完婚娶諸事數難
更僕邑侯江公甫下車廉其實行舉賓飲堅辭不
就其謙冲善下類如此子汝楸弱冠登己卯賢書
次汝權名噪黌序芝泥鳳詒行有日矣

盧衡字伊銓歲貢生早失怙母晏氏年十九守志衡
伶仃孤苦相依爲命晏氏織紵丸熊以訓衡衡勤
雪案以冀顯揚及入泮食餽竭力奉甘旨癸未獻

宜春縣志

卷之五

孝友

十

賊寇袁奉母逃匿山中夜歸負米爲賊所執哀告
以孀母在室賊憐而釋之晏氏冰節五十年久而
彌堅衡志養不衰足慰晚節以歲薦終老子光邑
廩生屢試優等器宇渾厚人皆謂母節子孝孫賢
盧氏兼之矣

易焯字孟戒邑庠生明經尚行長子康熙初年衛軍
失伍有同姓旗丁牽報尚行造糧艘焯不忍父勞請

于上求以身代不許再三乃可督造洪都長官刻
期視成時家族遠竄無一分任者資盡工繁憂勞

成疾年三十四客死舟中遺孤二次子堯方歲餘
今補邑餼實公孝德所致也

湯之相字尹叔邑廩生爲民新之子年三十遊邑庠
精研易理工于詩文家屢空處之恬如遵父遺命
撫孤弟之傳成立甲寅寇變與之傳俱爲賊執之
相以金與賊得脫復索之傳金無有欲殺之之相
曰弟未娶無後某已有子願將已金贖弟某當就
戮賊義而兩釋之屢試不第設教南泉從遊多英
雋著有周易聞定解竹園率草詩壽六十四卒

宜春縣志

卷之五

孝友

十一

李道賢字百萃由邑增生入國學孝友惇篤謹視膳
之節親有疾湯藥必嘗居喪哀毀盡禮鄉黨傳誦
更善施予戊午歲祲捐穀濟饑民有貧乏不能營
葬者輒助棺殮之族有鯁曠則多方設措以完厥
家室敦倫飭紀篤行樂善其有功名教者歟第道
贊以從事候選子世珍名噪郡庠

梁揆字端侯孝廉應暘嫡孫督學佳植次子幼入膠
庠屢荷學使賞識乃淹蹇不得志牙場屋例入成
均事親孝就養無方親疾憂丁色中夜傍徨居

喪盡禮恪遵遺命不用浮屠且友愛同氣睦嫻任
卹大節無虧可謂不負所學矣子錦鶴郡增廣生
陳熹昌字景亭邑庠生巡撫之龍曾孫邑增生繼道
長子也穎悟絕倫髫齡遊泮屢受知於當事天性
孝友婚方二日值母病衣不解帶獲痊安始退宿
私室居平處昆弟式好無尤怡怡如也祖母邁危
疾夜稽顙北辰願以身代次日果無病卒祖母遂
不藥而愈人皆驚爲孝感博學能文賣志以歿惜
哉

宜春縣志

卷之五

孝友

十一

傅廷訓郡庠生性至孝定省維勤親亡泣血三年哀
毀骨立以疾卒妻黃氏年十八生子滋霖甫四月
以栢舟自誓和丸畫荻飲泣教子早遊學序孝節
之裔流光當未艾也

尹大祥性孝友當左寇肆燬時父母被擒祥冒刃哀
懇求以身代幸得生還兄弟離窳越省訪求二可
謂天性純篤者矣生平樂善喜施和鄰睦族人皆
德之子三聘國學生

隱逸

漢

袁京少無進取志隱居縣城東北五里山是時宜春
爲縣袁未名郡後人因其姓以名山豫章太守爲
京立高士坊

唐

彭構雲少通陰陽圖緯之學不求聞達于時元宗詔
徵之至再始赴闕拜官不受竟辭歸孫伉貞元間
進士別有傳

宜春縣志

卷之五

隱逸

十三

彭蟾字東瞻好學不仕以處士稱重修唐韻及著鳳
池本艸廟堂龜鑑共一百二十卷有詩十一首見

宜春集

劉松字稽美昭宗嘗累舉不第集郡人所爲歌詩斷
自天寶以後得四百七十篇爲宜春集六卷見唐
藝文志松有詩十首

常無強隱居十五季不出庭戶刺史董禎欲表聞無
強固辭乃建逍遙坊于其里

南唐

彭世昌字襲之謹身修行以名節自持楊行密據淮
楚召爲長史未幾謝病歸隱于郡之修仁鄉一日
有豪猾子數百爲群劫之曰吾徒遭亂世未有所
託方今德足而智有餘莫若君請隸焉世昌正色
叱曰梁汴之間真人出矣譬之日也四方鼠輩其
猶爝火不息未之有也不知命數而逞無窮之欲
智者不爲也敢辭復請又辭三請之不從設棘簣
繫其上而焚之諸孫仕宦有聲

宋

宏春縣志

卷之五

隱逸

十四

傅公謀善文章嘗作小詞曰艸艸三間屋愛竹旋添
栽碧紗窻戶眼前都是翠雲堆一月山翁高卧踏
雪水村清冷木落遠山開唯有平安竹畱得伴寒
梅家童開門看有誰來客來一笑清話煮茗更傳
杯有酒只愁無客有客又愁無酒酒熟且徘徊明
日人間事天自有安排其詞清雅曠達抗世離塵
可想見其人又與分宐令許及之詩并無遮榜語
皆調笑可誦集不傳于世

孫造元豐間貢爲上舍後因伏闕言事罷行三舍法

黜上書易丕等適遂拂衣歸教授于家終其身
郝元鼎字寶之受學鄉先生鄭銓精于經傳博學洽
聞未中第教授鄉郡卒無子其門人宦達者猶歲
省上其塚

李觀詳前傳

明

袁魯訓字宗道詳文學傳

朱志字元遠少負才名性孝友以貢選入大學舉順

天辛卯鄉試仕瀏陽令有侃侃節于儕來省一飲

宏春縣志

卷之五

隱逸

十五

郎令歸曰母擾吾百姓甫三月以不阿鑿璫爭民
命棄官歸絕無私謁關利病者輒爲有司告與修
郡乘多所維挽子六人俱以文學顯先裕先祺先
後鄉薦克承其志先祺字資賢端謹嚴重讀書淹
洽遭郡多故棋條議戰守激揚忠義上書潯督語
盡憤切後教授萬山中曰靖節在山吾師也爲詩
歌多沉痛疾革語諸子曰吾今得爲完人矣正襟
卒

袁都邑庠生江督繼咸之祖先世世有隱德至八

益懋厥脩年五十餘因長子業真歿傷泣喪明越
十有餘年瞽目復開另闢一土室日隱其中旁搜
地理醫學諸書垂三十餘年族人有所身試于磷毒
擯于死者悉爲出資佑藥全活不可勝計繼成爲
兒皆公甚器之曰是兒必貴恨吾不及見也卒年
命倖百二擇日子六月二十六日辭世至期果無
病而卒季九十一封通議大夫

袁軼字欽禮季十四失父下帷力學補博士弟子試
輒高等入闈不遇毅歿曰泉石可甘菽笋可嗜而

安春縣志

卷之五

隱逸

七

奚區區爲惟日課子以程朱之學且曰遇則匡嘗
不遇則抱筴季子業泗成進士歷官有聲亦不色
怡曰兒輩自了事耳求田問舍絕口不言日與里
中講鄉約訓民行學者稱爲東泉先生季七十有
二子五人著名者三以業泗累贈漳州府知府

陳安慶號陽美州守汝說先生子剛正博洽有古君
子風廷試第一以明經舉授清江訓導陞靖安諭
師範嚴整却諸士贄稽古高尚家居北廓足跡不
入城市學者稱爲吉亭先生云

劉映洙字崑懸少浮湛諸生間氣豪宕崇禎壬午舉
春秋鄉試第一後棄家祝髮誅茅澗澗山不復
出尋卒

贈君潘騫字省齋邑增生父澗有世德子孫繩繩公
其幼子也蚤失怙恃能卓然自立志節邁俗勤勤
爲舉子業以數奇屢困棘闈因嘆曰子公官廷尉
先知日後當興吾寧植吾德以貽子孫慶田是益
懋乃德遇士之困阨每不惜左駿麥舟以贈之旣
已存亡生死矣而羞伐其德值郡邑有大興作輒

定春縣志

卷之五

隱逸

十七

先捐貲助理以爲士民倡邑侯王公家賓雅重之
季八十一無疾而終侄孫士聞誄之曰福壽康寧
富攸好德考終命我公德全全有焉識者以其言
爲實錄云康熙龍飛之年以子于達貴膺草屨勅
贈承德郎其志慰其言驗其德不朽書曰皇天無
親惟德是輔于贈君益信

袁喬登號澗松邑廩生寶慶知府一鰲之父也積學
力行淹博典雅工詩聯及地理諸書處友黨意氣
投洽如飲醇醪性豪邁千金一擲無迴念惟日以

詩文自娛晚猶酷好堪輿家凡父祖諸墓皆其
慧識至今應驗不爽一鰲登賢書公坦然無異平
昔公產七子一鰲居長余皆克世其業

袁繼威江督繼威胞兄明萬曆乙卯弱冠中副車屢
試優等十入棘闈不入彀遂恬於榮進念弟遊宦
數罹坎坷遂與伯兄繼威朝夕待養一老遂終其
身隱焉明崇禎十六季歲貢

袁繼騰府增生字搏霄行季八十餘舉飲賓少侷儻
有志畧迥出塵表其勤學力行討論先賢經旨學
有淵源因屢試不偶遂隱不出人爭延爲黨塾師
一肯知名士多出其門下其子若孫繩繩相繼皆
能以文學世其業

宏春縣志

卷之五

隱逸

袁繼誠字純菴孝廉一菁之父篤於行義父業濱早
逝大父都祖母張氏俱垂白在堂侍食早晚起居
溫清無不盡節家清貧不希榮利母鍾氏病日事
之尤謹子舉鄉試常誠以慎操守傳清白雖食粗
衣敝不可厭季八十三舉大賓卒季九十四訣其
子曰吾先大父在南宮吾當從之遊爾等慎爲人

無替吾平生

劉而寔字樺木少承家學博經史爲文渾涵炎芒雄
視一世與弟寬寅寵俱擅名庠序性剛正言動不
苟尤篤孝友會獻賊陷城捐妻子負母逃過兵以
身翼母臂傷兩刃弗顧惟痛哭求無傷母兵義釋
之執父喪居廬三季母病七閱月卧不就枕顙天
請以身代三弟忝世鞠諸幼孤凡七人婚嫁一出
其力痛世事滄桑絕意仕進匡坐一室研窮天人
性命之理闢佛老衛正道著書立說豁然有以自
得無他營也生平不治貨然好拯人急里黨中貧
不能婚喪不能塋者悉推解玉成之有同族嫠婦
乘亂盜賣其宅者置弗校邑人服其古道咸相謂曰
寧刑罰是甘母爲劉公所短壬子舉鄉飲辭不就
郡侯李公強起之一當大寶後輒謝不往壽七十
八卒所著有性理集要周易叅同契注釋周禮各
若干卷子冠英優於文行尤以孝聞鄉黨

周家楫字濟甫係前朝孝廉忠與謙之嫡裔也早有
文譽因躑躅于童子科遂寄志醫學日以濟人爲

念不較錙銖其志潔其行芳其立心也不以名利
動群謂其有高士遺風子維煥食餼邑庠義方之
教也

節義

晏父字明粲風度秀整主趙崇灃後灃逮繫父自請詣獄俱以瘦死其詩見谷音集

陳嘉言字允臣郡廩生篤志經史行誼端莊崇禎癸未年逆賊張獻忠破城潛遁安邑明月山下隨被搜獲見其姿品魁偉知為名士欲執獻偽主授以官厲聲叱曰死則死耳豈肯受非義之榮不屈而死有同被執獲脫者悉脩述不置云

其逢泰係貢士其濬生員其瀛濬之父也居家孝友待

友春縣志

卷之五

節義

十一

人雍和遇歲饑荒每有推解之恩以及于人時值寇亂挾順不從輒遭戮死可稱臨難有不屈之者

篤行

朱光祐字象賢生平公正不迹紛華不阿世好課學
黨塾賴成名衆備丁亥奇荒捐粥賑饑活族里者
難以數計家口幾至乏食亦無悔心且施棺掩骸
平塗修橋閭里咸德之生四子俱廩庠應星任司
訓應斗長文學年八十三卒

劉訓字比川由監生授廣東新州州目冰兢自勵勤
于政業時海寇侵疆隨副使易公可從督糧有功
隨陞本州判廉明有政聲罷官居鄉布衣蔬食晏

安春縣志

卷之五

篤行

三

如也課子最嚴長相貴歲貢次相臣邑廩生俱有
文名

劉啓秋字開之由吏員考縣尉持身冰兢奉以惟謹
屢爲當事賜扁旌獎稱爲鄴鄴踵武訓子有義方
子增歲貢皆其燕翼之貽丁丑流寇臨袁固守城
池日給餽粥尤爲有功德地方云

湯民新字懋先素篤孝友明末見左家兵擒伯經祖
力救爭死致傷左臂伯紹祖年老將五歲孤之家
業託民新代爲之理新視同己子爲之延師配

無不殫厥心力迄病篤嘗囑已子庠生名之相者
將紹祖原託之財產概清還于伊子毫無所私足
稱心存古道可爲世風者

劉鑑字厥成爲萍邑蔡姓壻婦翁早世妻弟蔡之兆
幼孤鑑撫之成名更爲恢廓毫無所私曾捐橐脫
鄒應川於難戊午歲饑減價平糶設粥賑救全活
甚衆平時排難解紛除道成梁不可枚舉爲人謙
和善下以忠厚爲家法子希灝孫樾林森杰梧俱
登庠序樾猶有文名

宜春縣志

卷之五

篤行

三

陳憲道郡廩生歲癸亥肄業廳中考授贊尹生平克
敦孝友內外無間言持身謹取與廉端方耿介雖
居城市足不至公廷爲郡守李公所器重子盛昌
克承家學弱冠入縣庠蓋篤厚之流光歟

張世擘字玄玉質直好義少嘗揚慨他徃抵岸有同
舟狄二者遺金而去公檢得維舟以待狄回覓舉
還之封識宛然屢捐貲倡修沙陂秀江各橋以廣
利濟歲歉捐穀以賑所活甚衆復修古林明惠演
教華山諸古刹他苦建郵亭施義漿焚券助殯不

可枚舉前太守李公旌其廬長子潛出宰攸縣諱
匕以勤王事恤民隱爲諭年七十七膺賜封仲子
洪季子泳暨孫國標國權俱由國學授二尹國柱
國林輩相繼入膠序其所由來者遠矣

徐溥字克廣歲貢生父察宇積德累仁先年清汰浮
糧解囊百金爲公費闔郡感賴溥亦善承父志慷
慨好義撫孤姪茂齡德彰教育婚配如同已子凡
里中有急者無不捐貲賙濟修葺橋梁道路樂善
不勸兩江張制府親巡袁郡咨訪善士匕民咸舉
宜春縣志

卷之五

篤行

二十四

公以上旌其閭應壬子歲貢將授外翰以疾終子
希庶綸捷孫世昌俱列宮墻篤厚之報也

袁一忠素性耿介不趨炎熱專恤孤貧丁亥竒荒有
李超二乏食欲驅子女溺死池中一忠捐穀賑濟
舉家賴生一日嚴寒盛雪公兪擒逋賦者縛至中
途一忠于栗村遇之見其人凍饑欲斃卽捐金代
完釋之生平排難周急類如此長子邑庠克貴亦
樂善喜施紹衣家法季子邑廩克贊文行兼優以
樂育人材爲己責世德繼美一忠貽謀所致也今

其孫振鐸邑廩生有文名振鉞振錄振鏞俱遊黌序書香振七識者以爲世德之報云

楊文用文周俱御史以誠之嫡派也文用字公亨弱冠食邑餼篤學力行仗義守正地方利弊輒直言無隱如清汰浮糧倡修橋路其功德及人者居多兩舉賓飲辭不就壽九十三而終子嘉楠嘉相嘉槐暨孫焯炯俱登賢序盛德之報已見一斑同懷弟文周字子京聰穎過人日誦數千言不忘年十三卽補博士弟子員潛心道學文章獨抒性靈更宜春縣志

卷之五

篤行

二十五

工詩賦講學於吉南諸郡從遊悉名雋爲人廉介謹嚴足不履公庭遭世事滄桑絕意進取遯跡西溪垂訓義方子嘉森好古而達孫燿列郡庠著有爐餘草四知家譜若干卷卒年八十一詩曰宜兄宜弟令德壽豈二楊有焉

張臣誥字瑞廷崇禎末年應童子科獲雋甲申世變絕意進取大志未酌性慷慨好施丁亥竒荒道僅相望爲粥以活窮餓有里民失糧金將出妻饋焉臣誥爲之代金輪約生平事親孝與人恭雖家居無

失言失色邑侯董公顏其堂曰德門錫類長子鴻
翥明經次鵬翥鄉學生貽燕之自來遠矣

楊文潤性篤厚生平輕財好義賑困乏埋齒掩骸脩
理橋路設濟渡建茶亭善行甚多子嘉權業儒早
世撫二孫教誨成立次孫煇遊邑庠年踰八旬好
義如故人皆賢之

易子善好行義排難解紛周濟貧乏多不計償每遇
孤弱更加憫恤學憲何公顏其堂曰德裕後昆男
聯昇由國學考授州同諸孫濟七羅列亦足彰善
宜春縣志

卷之五

篤行

二十六

行之報云

葉峻由郡廩入國學端方自持里居有相爭者力爲
排解孤苦無依者深加矜恤屢試棘闈不第赴銓
部試以疾還未幾卒子開艷邑庠生

彭飛邑庠生篤於孝行善事母謝氏問視弗輟前丁
亥竒荒設粥活衆每遇暴瀆輒取棺以瘞之世居
螺江橋其地爲江楚通衢飛捐貲修理橋路行人
稱便男嗣儀嗣儼孫祖臯俱列庠序其發祥蓋有
自矣

貴后

宋孝宗成恭夏后本邑人曾祖令吉吉水簿父協后
生有異光穿室及長選入宮侍懿聖太后閣中懿
聖宋高宗皇后吳氏也孝宗爲王時夫人郭氏薨
太后以后賜之卽位進賢妃踰年立爲皇后乾道
二年命謁家廟宗族親屬推恩者十一人三年崩
冊謚安恭皇后攢會稽園陵慶元改謚成恭后初
入宮協居益困歸旅蟠龍僧舍卒以后貴追封信

王

見宋史
后妃傳

安春縣志

卷之五

貴后

壽母

明

黃氏配袁軾邑廩生以季子業泗知漳州贈中憲大
夫母封大恭人六七歲時母嘉之曰是兒端凝異
日必清貴長適袁寡言笑貞淑莊嚴有程母風甫
一年翁逝奉姑二十餘載溫省色養旦暮勤渠人
稱孝婦產五子科甲者三業泗成進士守漳州秩
滿民遮道呼畱陞福建屯鹽道副使念母太恭人
年八十告終養曰埃母百歲後方出同兄謙常

太恭人至庭前花果下象舞爲歡母年百歲

羨之郡縣以聞詔建坊額曰清朝人瑞在孫繼威刻人瑞集

國朝

周氏配封翁袁業汾以子繼威歷官兵部侍郎封大夫人夫人生三子長繼威次繼威威其季子也夫人相業汾爲諸生茹荼事中饋撫育諸子家貧不能延師業汾司教事已以養事自任堂上二老皆年屆九旬夫人奉養無懈不以累其夫子威筮仕時年六十餘矣子雖貴宦游遷徙夫人居飲食

宏春縣志

卷之五

壽母

三

佩服如平時補掇弗忍棄也性溫厚著徽音撫諸媳皆誠以柔順享年百歲蓋仁而壽云先是郡侯胡湖西道臺田欲講建百歲坊會孫克觀等辭以貧不果行詩云令德壽考封翁享年八十有六何克諧也

周氏兵部備廩袁公繼威元配累誥封夫人性仁慈柔恭自微時執婦道敬事堂上二尊人以至夫貴顯事中饋必躬親無敢燕處大夫人年益高飲食寢處朝夕未敢離側此至大夫人年百歲渠年亦

七十餘矣夫君咸丙戌死節夫人與妾夏氏婺處者幾三十年日孜孜教育三幼孫以無墮先人業幸天誘其衷俱克成立夫人以壽終年七十八卒鄧氏同知潘于達之母性慈和勤而儉御下以恩雖橫逆頗至能順受之不校贈君獲頤養高年者皆由母善排解奉養之力居多其膽識卓然尤人所難者天啓庚申中宵寇至贈君驚逃不知所出母扶以踰垣復攜子潛匿悉免于難癸未冬左家兵至族衆奔後山避之繼以與兵相望爲恐轉徙而

之下道母獨曰下道垣平騎易追惟速踰此嶺彼雖迅如鞭長莫及何厥後由下道多擒戮從母言者獲安全是其識賢于庸丈夫遠甚不啻高出裾釵流也昔李習之稱烈婦云仁者必有勇大安人亦有焉訓子及孫和丸畫荻不減古賢母風迄

太清定鼎以來目擊子貴

孫賢躬膺

榮封人咸欽爲

懿德懋昭云

鍾氏盧思鵬妻年三十餘夫死氏畫荻教子性樂善好施丁亥奇荒賑穀給粥饑民賴以全活家多儲

粟糶買不計錙銖卽赤手告貸氏亦畧無難色里人多德之年九十二以壽終子聲食餼邑庠世以爲母教之善云

李氏庠生李魁春女徐士達妻性淑慎壺範克修檢身惟嚴事上使下必敬必誠夫逾四旬每念膝下杳然乃出簪珥爲夫娶妾絕無勉強織芥辛而繼曰有在母道克終年八十卒閭里咸矜式焉

袁氏貢生徐溥妻淑慎溫惠奉姑丘氏下氣怡聲克勤婦道丘寢疾氏佐溥侍湯藥百計調護丘臨終

宜春縣志

卷之五

壽母

卅

曰汝孝謹若此願汝子婦亦若是奉汝溥子姓蕃衍凡擇教婚嫁咸代爲經理不以煩其夫事上卹下睦族洽鄰族黨奉爲儀型年八十一卒

劉氏選貢入直侍衛陳潔之妻也阿翁中丞公諱之龍歷任西秦時單車就道阿姑處家門氏備極孝養問視弗輟癸未遭流寇奉姑避難姑有足疾氏朝夕左右弗辭勞瘁及翁逝事姑尤謹年四旬夫潔不祿氏孀居幾五十年身勤紡績和丸訓子長君舜道三憲道俱由廩生入雍授二尹次君宗道

以選拔任崇義教諭四子繼道邑增生才名夙著
孫諸昌林昌熹昌盛昌際昌俱列膠庠氏年八十
有六以壽終厚德之報洵不爽云

張氏盧子靈妻性勤儉相夫有道子靈生平好施氏
佐助之力居多以德延年享壽九十有八孫錫祐
邑增廣生

潘氏郡庠生劉魁英之妻德優貞靜事翁姑至孝及
姑喪翁老性嚴急氏善承厥旨用能視無形聽無
聲終養二十一年脩極敬謹夫卒孀居數十載訓

誦二子長幼發郡廩生次長發登庚午賢書氏享
年八十有二無疾而逝人以爲純孝之報云

壽民

袁順一生萬曆壬寅迄康熙辛巳登百歲童顏鶴髮
矍鑠異常縣令張公式問給餼有熙朝人瑞之旌
復彙其善行請題 勅賜建坊曰壽域耆民爲人
純朴篤厚有懷慕遺風俾壽俾域殆盛世之休徵歟
李齡字伯壽性醇謹孝奉二親友爱昆弟撫孤姪矧
娶婦他如捐貲汰糧修葺橋路施藥餌救溺女排
難解紛爲功里閭不可枚舉晚年泉石自甘惟以
課兒爲事子弘智應丙寅選貢諸孫維起咸英七

宜春縣志

卷之五

壽民

三十一

有待年九十六而終仁以致壽斯人有焉

張慶甫制行篤厚慷慨樂施前丁亥奇荒設粥賑饑
里中待之舉火者甚衆更施棺助賻有危急捐金
排解橋梁道路無不修葺享壽九十有八而卒孫
英名厠成均芟蓼藩俱遊邑庠曾孫標候選衛千

總

烈女

明

孫氏女初受里人陽遵哲聘遵哲當戍遼東父議別擇所歸女聞哲行自縊死

宜春縣志

卷之五

烈女

節婦

明

周氏蔚州同知楊伯憲妻年二十四伯憲卒于官周護其喪歸葬遺腹子一人名汝濟周撫之成立養其姑二十餘年孝敬如一日正統初旌表其門
張氏監生易相妻相卒張年二十七無嗣守節四十餘年

蕭氏府學生劉顥妻年二十五顥死矢節不嫁撫二孤賴以成弘治間旌其門

歐陽氏彭秋妻秋死時年二十六無子姑欲奪之以死自誓守節四十年嘉靖二十八年旌表

李氏府學生何春妻春亡李年二十三遺腹生子俊李誓不他適撫孤俊以立

彭氏郭霽妻年二十六霽亡遺孤二家貧誓節不奪者五十餘年孫大僕寺丞進以其事聞詔旌之

歐陽氏易恬妻二十八歲恬亡撫孤不奪夫姑兩喪苦心營葬春秋抱墓痛哭萬曆五年旌表

蘇氏廩生朱鍊妻年二十餘鍊死無嗣以貧甚遺命

宜春縣志

卷之五

節烈

三十四

別嫁輒就死尋窘途甚鍊兄弟皆貧莫能供欲強如鍊命蘇益憤欲投水火乃止寡居十年餘有部郎聞欲娶之妯娌謂此富貴叢中耳蘇歎曰吾無庸生奚庸富貴吾能舍彼兩髦哉家無餅粟親無強近居孀五十年十指供口年七十五卒

侍氏孝廉楊以正繼室江南人年十四歸楊二十一以正卒守節自誓子緘宦京師卒子任復扶襯歸年七十八卒按院屢旌其節

郭氏增生袁繼弘妻年十四歸弘十六舉子方歲

繼弘以應省試弗第發憤下帷
禱願代死藥餌必親及卒自盡者
泣曰翁姑年逝從夫死誰爲養老鞠孤
勵志時年方十八子六歲多疾有富人某
志鄉引刀誓死姑力救乃免後祖母與翁繼
盡力舉喪獨養姑龍氏九年乃歿子一卿補邑弟
子員遂供佛齋食戊寅寢疾將篤強起櫛髮易衣
卒甲戌彙題建坊

其氏父名啓元以貢官饒州教授氏年十七適劉二

宜春縣志

卷之五

節烈

十五

菁性婉孌曉大義十九夫亡無子氏拮据塋夫服
除母家爲之計再適卽劉氏族姓亦以氏少寡無
子義難強留氏曰我未讀書不知古節婦事但聞
人言忠臣烈女有死無二常心識之今惟矢守此
語紡織以終餘生雖之死無怨也遂中分其產以
半遺二伯氏四十餘年安貧茹苦譏閒動循禮法
平居親族罕見其面崇禎癸亥氏年六十同邑公
舉節婦署郡事同知張陸秀邑令朱茂暲請旌如
制乃冬月遭左兵搜掠挾氏勒其資氏大哭罵兵

怒殺之

易氏廩生王道明妻性溫淑奉事舅姑癸未冬避賊
遠村爲左兵搜獲牽其手易憤罵曰吾手豈可污
奪刀自斷之復曰何不速殺我以激怒賊遂爲所
戮事平道府旌如例同時各鄉婦女多不屈死者
如選貢彭汝明妻張氏生員彭汝聰妻湯氏彭汝
楫妻張氏等俱以不從賊遇害

劉氏貢生李京之妻性慈和治家有聲癸未冬偕子
女避賊山中左兵搜獲之劉知不免卽叱罵求速
死左兵百計窘逼不可奪遂死之

宜春縣志

卷之五

節烈

三六

袁氏字鳳英年十八歸生員彭士俊子克成癸未左
兵至袁從姑易氏匿山中兵搜獲殺其姑挾袁欲
與俱往袁哭罵不絕躍入江流兵刺死事平郡守
傳元禎邑令朱茂燦稟請旌如制

易氏庠生潘朝賓妻孝廉世燧之媳年二十一夫亡
于崇禎丁丑年遺命改嫁氏指天矢曰吾必不易
誓節請以死殉若天不絕潘氏嗣遺娠生子盡力
立否則惟相從泉下耳越數月果舉子氏命

茶砥志日紡績以奉翁姑晝夜教子終身苦節
三十五年乃卒子蓋縣庠生長厚醇謹尤為不愧
蓋訓云

翟氏 生潘鑿妻崇禎癸未左兵肆殺掠氏年甫三
十挈幼子避山巖兵圍遶之氏度不得脫奮身巖
巔投石擊兵毒罵不絕口兵索之愈急乃置子茅
葦中引刀自刎投巖下死子洪謨洪烈皆以文名
庠序間鑿固篤學力行士也臨貢不就隱居高尚
世以為夫婦克配云

袁氏 適劉和積季念二遂失所天嘗子僅三週袁克
矢志共姜之死靡他而辟繡教子厥有成勞癸未
遭張猷忠執罵賊不辱霜節凜然尤為可矜子劉
芳聲媳楊氏幼依親膝楊升亨教嫻內則鷄鳴盟
漱菽水事姑念四失良遺腹育子劉應璧克承勿
墜三十餘年栢舟自盟以匹婦之微守一身之節
正氣所存婦姑並懋又何可畧焉

國朝

余氏 庠生范儼妻十六歸范有孝敬稱廿齡儼見

遺孤元升甫六月余厲志守節無何翁又逝獨事
姑七十年黽勉訓子時橫逆頻侵氏竭蹙門戶游
歷危險卒教子補諸生閭里推服院道旌表如例
順治四年卒

晏氏貢生盧衡之母庠生晏士昌士升之姊年十九
歲夫應肇歿衡甫甚月翁姑先逝伯叔兄弟無倚
熒熒孑立栢捺自守誓不二天頗有強之改適者
矢志益篤訓子成立有畫荻遺風孀居冰潔歷五
十載茹荼安貧始終如一而卒里閭咸
欽其節

宏春縣志

卷之五

節烈

三八

劉氏訓導易嘉男妻恬靜寡言淡年二十九夫亡氏
矢志栢冊堅持清白以節捺聞于鄉里人無不嘖
嘖稱羨且尤熊課子備嘗艱苦歷終身如一日行
年九十以壽終子尙行領歲薦篤學力行人以爲
不媿懿訓云

張氏孝廉朱光祺之妻從夫避亂石隱不仕備嘗艱
辛嘗乏食祺終諭以孤苦應改適氏泣曰惟知從
一而終耳胡他適方之誓栢舟者無以異也竟勤

針指以給日食沒齒無怨言

楊氏貢生朱允祐之妻慈和寡言嫻中饋勤紡績事翁姑曲盡孝敬祐卒時氏年二十二子未成立嘗慇懃訓勉有古賢母風孀居二十餘年撫幼孫無間言人稱其節子應斗猶以孝聞

芴氏修仁鄉劉先四妻秉性貞靜端莊純篤癸未被左兵擄挾堅執不從遂投清瀝江死

游氏何思牧妻性溫和善事舅姑夫死矢志守節季九十三卒生平樂善好施遇荒賑濟多所全活子

安春縣志

卷之五 節烈

三九

淑國學生

劉氏邑增生陳昌言之妻秉性賢淑善事翁姑康熙甲寅年九月內因棚寇猖獗攜媳潘氏潛匿黃崗之龍坡嶺五日未火食賊至不能起姑媳揣必受汚拾石亂擊賊怒俱戮之迄蕩平後尋覓僅見白骨散亂而已里人咸爲之歔歔

嚴氏係郡庠生楊縈妻孝廉尙義之母也甫及笄于歸楊門不踰數載而縈歿咸憐其年少子幼微以改適相諷氏厲詞拒此之瀚育教訓靡不竭其

力卽僦售服餼亦無蹙然之色長子義年甫十三
補邑弟子員氏嘯之曰此特叨榮始階耳當奮發
進取母負爾父志迄因亂海鄉得疾不起仍以斯
語諄諄致囑足徵氏以義方訓子若是其堅且切
也未幾尚義登賢書尚義遊郡庠咸誦爲氏德之
流芳云

夏氏彭良六妻二十一夫亡遺子甫三齡氏矢志守
節操凜冰霜惟以紡績度日閱六十二季乃卒性
尤樂善常助橋修路以便性來里人咸稱頌之

宏春縣志

卷之五 節烈

彭氏係信義鄉謹致聖妻年十六適聖雞鳴戒旦敬
事翁姑及紀夫沒子幼氏堅持節操殫力課子飲
食教誨悉出紡績孀居五十餘載畧無愠色壽八
十令終閭里之民咸指以爲母儀

聞氏係庠生梁峻植妻素嫻閨範持理守正癸未冬
遭左兵猖獗擒而欲污之氏堅拒厲叱罵不絕聲
兵怒甚遂拔刀亂砍死人皆頌其節烈

芴氏周志立妻年十九夫亡氏矢志守節代夫供子
戩事舅姑能孝撫孤兒成立緝糶勸學崇禎戊寅

縣尹章公申詳兩院題請旌表

錢氏邑廩生傅誥妻年二十五夫亡遺子甫週齡錢氏誓守節操孀居四十六年始終如一壽七十二卒今子孫森立錢氏冰霜之所致也

周氏係西溪李廷林妻生子士龍廷林早世氏矢志栢舟備嘗荼苦延師訓子克成令名由庠生進國學考授贊府平時勤織誑以佐舅姑其言雖當兵燹罹災荒敬事弗弛洵女中君子也孫紹蓮邑廩生次紹蕃輩咸英匕有待李氏之門其寢昌乎

宜春縣志

卷之五

節烈

四十一

張氏邑廩生陳涇妻少司寇張公承詔之長孫女也賦性貞靜克嫺婦德不以富貴驕人事姑孝視孀問寢無廢禮有疾湯藥必嘗相夫子讀書鷄鳴戒旦故涇雖秋闈屢困而才名噴匕人口迨涇沒遭家不造氏勤機杼以課子孀居苦節歷三十年長子忠道丁丑選拔以惠道懋道思道志道暨孫鈇昌俱登黌序丁孫繩匕人咸頌節孝所致云

潘氏郡庠張相燠妻生貞靜年十四歸相燠孝事舅姑相德燠德

歷三十年相操凜然癸未獻逆之變避亂集雲鄉羣
寇聞逼氏奪刃自刎同患者咸驚悼之越午日面
色如生葬城北石地方金星廟塋長子文雲篤行
樂善郡邑屢旌之文鳳文麟俱醇謹使義長孫自
鳴郡增生篤於文學屢試優授次自鸞郡庠曾孫
世球邑庠餘俱森七絕武世成稱節烈之流芳也
郭氏郡庠生易道明妻通四書小學知義理年二十
四夫死遺一子方二歲郭守節撫孤始終不渝年
六十卒子達郡諸生母教所致也

宜春縣志

卷之五

節烈

四十五

梁氏袁蘇九妻當張寇猖獗時縱焚廬室蘇九遇災
而出以母棺在堂復入室救護遇賊格殺氏甫二
十六痛夫死非命矢志教子克翹未達而天氏復
與媳鍾氏兩室孀居紡績自給相依爲命撫幼孫
振藩振夔俱遊邑庠梁氏年踰八旬而卒鍾氏苦
節幾四十年始終勿渝人稱嗣徽焉

彭氏易耀明妻年二十六夫病將死語之曰家貧子
幼柰何我死爾別嫁彭泣曰餓死事小失節事大
夫一笑而卒果苦節自守撫成二孤汶年五十一

次子登俊補邑諸生

翟氏邑庠生易象吉妻年二十三夫死長子何怙甫三歲翟多方教誨弱齡遊邑庠未配而夭撫其次子艱辛萬狀居孀四十八年冰節凜然年七十一卒

張氏廩生梁巨植妻年十七歸梁巨植早世氏年二十四族人諷改適誓死不移子程甫六歲撫之成立食邑餼應康熙戊子歲貢克紹其伯督學公遺緒苦節所成也氏世籍燕京外無強近之親而能立

宜春縣志

卷之五

節烈

三

志如此可不謂賢歟壽五十四而卒

袁氏廩生甘逢泰繼妻年二十八夫死撫三孤守節自誓辟纁畫荻子濂瀛孫俞模俞魁俞彬俞梅等皆遊庠序居孀四十餘年卒年七十有六

劉氏東城縣胥曹顯耀妻康熙三十四年十月十五顯耀病卒氏年甫廿餘誓從地下哀痛絕粒越五日投繯合郡異之聞于縣前邑侯胡公捐俸給其舅曹秀之爲氏營歛且令同穴立碑墓側以表其義草野巾幗節烈性成幽光誠足風也

何氏劉孔三妻經魁何叔子先生之姪女明經璿之姊也當左寇猖獗時孔三沒于賊氏甫年十八以死自誓孝事翁姑撫教孤子孀居六十餘年守貞不易壽八十卒

彭氏郡增生樂宗夔妻夔樂善好義修橋梁茶亭遺金不幸早世氏甫二十五孝事姑王氏温衾扇枕甘旨承歡遭世滄桑茹荼集蓼誓死靡他卒能撫其子樂遂由庠生入國學年七十二卒

楊氏劉祖漢妻年廿二夫沒氏撫兩月兒終身守節

宜春縣志

卷之五

節烈

四

茹素尚樸內外無間言訓子之桂爲邑增廣生十六歲完貞而沒邑侯江賜額曰栢操松齡徐氏夏之璉妻年二十五夫死四男嗷七失怙氏苦節教育壽踰七旬而卒邑侯江視崖先生旌以栢操松齡豈溢美歟

芴氏庠生傳道行妻年十九夫死或諷以改適氏斷髮自誓日未亡人如有他志何面目見夫君於地下叠遭兵燹家業蕩然惟躬勤紡績以度歲月撫其子聖統成立苦節至老彌堅里人賢之

